



ვოლოკოლამსკის მიტროპოლიტ ანტონის გამოსვლა მსოფლიო და ტრადიციული რელიგიების ლიდერების VII ყრილობის დახურვაზე



სსკ-ის კომუნიკაციის სამსახური, 15.09.2022. 15 სექტემბერს გაიმართა მსოფლიო და ტრადიციული რელიგიების ლიდერების VII ყრილობის დასკვნითი სხდომა. მოსკოვის საპატრიარქოს საგარეო საეკლესიო კავშირების განყოფილების თავმჯდომარემ ფორუმის მონაწილეებს სიტყვით მიმართა:

თქვენო აღმატებულებავ,

ღრმად პატივცემულო ყასიმ-ჟომართ ქემელის ძვე!

თქვენო უნმინდესობავ!

მაღალპატივცემულო რელიგიური ლიდერებო, პატივცემულო მონაწილენო!

ყრილობა წარმოადგენს ევრაზიური რეგიონისთვის რელიგიათაშორისო დიალოგის რეალიზაციის უნიკალურ პლატფორმას. 2003 წლიდან მოყოლებული, ყრილობის სხდომები ტარდება რეგულარულ საფუძველზე და თავს უყრის გამოჩენილ რელიგიურ მოღვაწეებს მთელი მსოფლიოდან. ამ მნიშვნელოვანი ინიციატივისთვის მინდა მადლობა გადავუხადო ფორუმის ყველა ორგანიზატორს, ასევე პირადად ყაზახეთის რესპუბლიკის პრეზიდენტს ყასიმ-ჟომართ ქემელის ძე თოყაყვს.

მსოფლიო და ტრადიციული რელიგიების ლიდერების ყრილობის ცენტრალური თემა გახდა მშვიდობის განმტკიცება რელიგიებს, სახელმწიფოებსა და ხალხებს შორის. ჩვენს დღეებში ეს პრობლემა სულ უფრო და უფრო აქტუალური ხდება. უფალი იესო ქრისტე სახარებაში ამბობს, რომ ნეტარ არიან მშვიდობისმყოფენი, ვინაიდან ისინი ღმრთის ძეებად იწოდებიან (მთ. 5:9). მორწმუნენი არ უნდა განერიდონ მსოფლიოში არსებულ პრობლემებს, არამედ უნდა დაიკავონ ქმედითი პოზიცია, ხელი შეუწყონ მშვიდობის აღშენებას და ურთიერთგაგებას, ანუგეჰონ ტანჯულნი.

ყრილობის შემაჯამებელი დოკუმენტი მთელ რიგ ძალიან მნიშვნელოვან დებულებას შეიცავს.

უპირველეს ყოვლისა, ეს არის სიტყვები სულიერი და ზნეობრივი ორიენტირების საკვანძო როლის შესახებ დამლუბველი მოვლენების დასაძლევად, რომლებსაც განყოფამდე და კონფლიქტებამდე მივყავართ. ძალიან მნიშვნელოვანია აზრი კულტურული და რელიგიური მრავალფეროვნების შენარჩუნების აუცილებლობის თაობაზე, რომლის პირობებშიც ერები და რელიგიები გაერთიანებული არიან საერთო ფასეულობებით, თუმცა, ამასთან, ინარჩუნებენ საკუთარ იდენტურობას. პოსტსაბჭოთა სივრცეში ჩვენ კარგად ვიცით ასეთი მიდგომის სარგებელი და რელიგიათა შორის ვიცავთ მშვიდობას. ძნელია გადააფასო რელიგიური განათლების აუცილებლობა, რომელიც ექსტრემიზმისა და რადიკალიზმის უმთავრეს პროფილაქტიკას წარმოადგენს. ასეთი განათლება არაკეთისინდისიერი პოლიტიკოსების მხრიდან რელიგიით მანიპულირებისგან თავდაცვასაც ემსახურება. საკმაოდ აქტუალურია აზრი უთანასწორობისა და უსამართლობის დაძლევის აუცილებლობის შესახებ. განვითარებულ ქვეყნებსა და ე.წ. „მესამე სამყაროს ქვეყნებს“ შორის რესურსების განაწილების, ენერგეტიკის, სურსათით მომარაგებისა და ეკონომიკის უსაფრთხოების კონექსტში ეს საკითხი ამჟამად მწვავედ დგას. სწორად მიმართა აზრი რელიგიურ, ეროვნულ, საერთაშორისო და საზოგადოებრივ ინსტიტუტებს შორის თანამშრომლობის გააქტიურების აუცილებლობის შესახებ, რადგან მსოფლიოსთვის დღეს ძალიან მნიშვნელოვანია უთანხმოების დაძლევა და გლობალური ჰეგემონიისთვის პაექრობის შეწყვეტა.

მინდა ცალკე აღვნიშნო ის დადებითი ფაქტი, რომ ჩვენი ფორუმის დეკლარაცია ეფუძნება ადამიანისა და

ყოველივე არსებულის ღმერთის მიერ შექმნის ფაქტს, ღმერთის განგებას სამყაროს შესახებ, ყოფიერების, მორალისა და ზნეობის ღვთიემოცემულ მარადიულ კანონებს.

დიდად ფასეულია ის, რომ ძირითადი რელიგიების ლიდერთა ავტორიტეტით გამყარებული აღნიშნული მტკიცებულებები ფორუმის დეკლარაციით ტრანსლირდება საზოგადოებრივ სივრცეში. მათ, ამგვარად, უამრავი ადამიანი მოისმენს, მათ შორის, საერთაშორისო არენაზე გადამწყვეტილების მიმღებნი. არცთუ იშვიათად ბევრს ავინყდება, თითქოსდა, უბრალო პოსტულატები, რომლებიც დაცულია წმინდა წიგნებში, რელიგიურ გარდმოცემებში, ადამიანთა სულებში. ძალიან კარგია, რომ მსოფლიო და ტრადიციული რელიგიების ლიდერების VII ყრილობამ დღეს კვლავ შეახსენა ყველას მათ შესახებ.

მადლობას ვუხდის ყრილობის ხელმძღვანელობას და ორგანიზატორებს სწორად გაკეთებული აქცენტებისა და შინაარსისთვის. დღეს, როგორც არასდროს, ადამიანებისთვის მნიშვნელოვანია ასეთი სიტყვების მოსმენა რელიგიური ლიდერების ბაგეებიდან.

მადლობას ვუხდის ყველა დამსწრე პირს დიალოგისთვის გახსნილობისა და პროდუქციული ურთიერთობისთვის. გისურვებთ მშვიდობას, სულიერ სიხარულსა და ძალებს თქვენს რთულ, მაგრამ ესოდენ მნიშვნელოვან მსახურებაში!